



Allakkiag

Meeqqanik pinerliisimanginnermut uppersarsaatit aamma pinerluuteqarsimanermut uppersarsaatit pillugit

Allakkiag una allaaserinnippoq qaaguukkut kommune pisussaansoq meeqqanik pinerliisimanginnermut uppersarsaammik piniartussaataansoq pillugu, kommunimi atorfinittisinissamut atatillugu. Allakkiami aamma allaaserineqarput suut kommunip immikkut eqqumaffigissassarinera uppersarsaatinik pineqartunik piniartarnermi, kiisalu ilitsersuutitut periaasissat allaaserineqarlutik, qanoq iliorluni uppersarsaatit taakkua piniarneqassanersut, kinalu uppersarsaatit pineqartut piniarneqarnissaannut akisussaansoq.

Allakkiami aamma naatsumik allaaserineqarpoq qaaguukkut kommune pinerluuteqarsimanermut uppersarsaatinik piniartussaansoq pillugu, aammalu suut eqqumaffigineqassanersut uppersarsaatinik pineqartunik piniartarnermi.

Meeqqanik pinerliisimanginnermut uppersarsaatip aamma pinerluuteqarsimanermut uppersarsaatip pingaarnertut assigiinngissutigaa, meeqqanik pinerliisimanginnermut uppersarsaat pinerluuteqarsimanermut uppersarsaataammik immikkut ittoq, taamaallaat paasissutissanik imaqartoq meeqqanut 15-it inorlugit ukiulinnut kinguaassiuutitsigut pinerluuteqarsimanermut tunngasunik, pinerluuteqarsimanermullu uppersarsaat imaqarluni eqqartuussaasimanermut il.il. tunngasunik, pinerluttaalisitsinermut pinerluuteqarsimanermullu inatsisinik unioqqutitsisimanernik, tamatumani aamma inatsisinik unioqqutitsinerit kinguaassiuutitsigut atornerluisimanermut attuumassuteqartut, inunnut 15-it inorlugit ukiulinnut tunngatillugu, nakuusernikkut iluanaarniutigaluguluunniit pinerluuteqarnikkut pisimasunik.

Kommune inatsisit naapertorlugit pisussaavoq meeqqanik pinerliisimanginnermut uppersarsaammik piniassalluni, atorfinittisinissamut atatillugu, meeqqanik 15-it inorlugit ukiulinnik attaveqartoqartussaataillugu, kommunili nalinginnaasumik atorfinittisinernut atatillugu meeqqanik pinerliinanginnermut uppersarsaatinik piniartussaataaangitsoq (tamanna immikkut ittutigut immikkut inatsisit tunngavigalugit allaanerumik piumasaqaateqarfiunngikkaangat). Kommune taamaat-

tumik pisussaangilaq, kisiannili taamaaliorsinnaalluni, atorfinnut aalajangersimasunut tunngatillugu pissusissamisoortutut isigiguniuk qinnuteqaateqartoq ilumut nakuusernikkut imaluunniit tillinniarnikkut pinerluuteqarsimanersoq paasiumallugu. Kommune tamatumunnga atatillugu maleruagasaateqartariaqarpoq qaqugukkut meeqqanik pinerliisimanginnermut uppersaammik piniartoqartassanersoq pillugu, atorfiup inuttalinnginnerani.

Meeqqanik pinerliisimanginnermut uppersaamat:

1.1. Meeqqanik pinerliisimanginnermut uppersaamatit pillugit qanoq ittunik maleruagasaqarpa?

Inatsisartut inatsisaanni ukunani meeqqanik pinerliisimanginnermut uppersaamatit pillugit aalajangersagaqarpoq:

- I Meeqqanik pinerliisimanginnermut uppersaatinik piunasaqaateqartussaataaneq pillugu Inatsisartut inatsisaat nr. 8, 19. maj 2010-meersoq
- Meeqqanik pinerliisimanginnermut uppersaatinik piunasaqaateqartussaataaneq pillugu Inatsisartut inatsisaata allanngortinnera pillugu Inatsisartut inatsisaat nr. 7, 3. juni 2015-imeersoq. (Atuuffiata annertusinera).

Ulloq 1. august 2015 aallarnerfigalugu taamaasilluni kommunit meeqqanik pinerliisimanginnermut uppersaammik piniartussaataanerannut pissusaaffik annertusineqarpoq. Taamaasilluni inuit amerlanerusut meeqqanik pinerliisimanginnermut uppersaatinik piniarfigneqartalissapput.

Inatsisit taakkua marluk tamarmik allakkiamut matumunnga ilanngunneqarput. Inatsisinut nassuiaatit aamma ilanngunneqarput. Inatsisinut nassuiaatit taakkua allaaserivaat inatsisit qanoq paasineqarnissaat. Allakkiallu matuma anguniarpaa oqaatsit ulluinnarsiutaanerusut atorlugit inatsisit aamma nassuiaatit allaaserinissaat.

1.2. Meeqqanik pinerliisimanginnermut uppersaamat sunaava?

Meeqqanik pinerliisimanginnermut uppersaamat pinerliisimanginnermik uppersaamatit imikkut ittutut isigineqarsinnaavoq, taanna imaqarsinnaagami meeqqanut 15-it inorlugit ukiulinnut kinguaassiuutitsigut pinerluuteqarsimanermut paasissutissanik. Meeqqanik pinerliisimanginnermut uppersaammik ersissaaq inuk pineqartoq kalaallit pinerluttaalisitsinermut inatsisaat naapertorlugu, imaluunniit danskit pinerluttaalisitsinermut inatsisaat naapertorlugu pineqaatissinneqarnikuuppat, meeqqanut 15-it inorlugit ukiulinnut kinguaassiuutitsigut pinerluuteqarsimaneq pineqarpat. Tamanna tassaasinnaavoq inatsisinik unioqutitsineq, qanigilluinnakkamik atoqateqarnikkut, atoqatigiinnikkut imaluunniit kinguaassiuutitsigut allatut pissusilersorluni meeqqanik 15-it inorlugit ukiulinnik atornerluinikkut, meeqqat kinguaassiuutaannut tunngasunik assiuteqarnikkut imaluunniit meeqqanut 15-it inorlugit ukiulinnut kannгуттаalliorfiginninnikkut.

Meeqqanik pinerliisimannginnermut uppersaarsaat pinerluuteqarsimanermit uppersaarsaammit naliginnaasumit allaassuteqarpoq, paasissutissat meeqqanik pinerliisimannginnermut uppersaarsaami sivisunerusumik allassimasarmata. Qanoq sivisutigisumik allassimanissaannut apeqqutaavoq pinerlunnerup sakkortussusia. Inatsisunik unioqqutitsisimanermit tunngasumik paasissutissat minnerpaamik eqqartuussinikkut pineqaatissiisoqarneraniit ukiuni qulini meeqqanut pinerluuteqarsimannginnermut uppersaarsaami allassimassapput, pinerlunnernullu sakkortuunut tunngatillugu piffissami sulivisunerusumi.

Meeqqanut pinerliisimannginnermut uppersaarsaat Qitiusumik pinerluuteqarsimanermit nalunaarsuiffimmiit - Det Centrale Kriminalregister, - Danmark-imi naalagaaffiup politiivisa – Rigspolitiet – ataani inissisimasumit pissarsiarineqassaaq. Qanoq iliorluni uppersaarsaat pineqartoq pissarsiarineqassanersoq uani allakkiami immikkoortoq 1.9-mi allaaserineqarpoq.

Meeqqanik pinerliisimannginnermut uppersaarsaammik atorfinnut aalajangersimasunut tunngatillugu siunertaavoq isumannaarneqassammat inuit meeqqanut kinguaassiuutitsigut pinerluuteqarsimanermit tunngatillugu eqqartuussivitsigut pineqaatissinneqarsimasut imaaliinnarlutik kommunimi atorfinnut meeqqanik sullissiviusunut atorfinitsinneqarsinnaannginnissaat. Aammalu inatsisip isumannaassavaa innuttaasut meeqqerivinnut il.il. meeqqat piffissap ilarujussua najortagaannut tatiginissinnaanissaat.

Kisianni soorluli inatsimmut nassuiaatini allassimasoq, meeqqanik pinerliisimannginnermut uppersaarsaatit pisortanut atorfinitsisartunut sinnassaataassanngillat. Kommunillu meeqqanik pinerliisimannginnermut uppersaarsaatinik piniartarnerup saniatigut ersarissunik maleruagassaateqartariaqarput, meeqqanut inuusuttuaqqanullu qanoq pissusilersortussaaneq eqqarsaatigalugu, aammalu atorfinitsinissamut inuttassarsiuisarnermi annertusisamik eqqummaarissumik periaaseqarlutik, soorluli tamanna ilaatigut pisinnaasoq inuup pineqartup siusinnerusukkut suliffigisimasaniit pappialanik paasissutissanik piniartarnikkut.

1.3. Qaagukkut kommune meeqqanik pinerliisimannginnermut uppersaarsaammik piniartussaava?

Meeqqanik pinerliisimannginnermik uppersaarsaammik piniarnissamut Inatsisartut inatsisaat 2010-meersoq naapertorlugu pisussaaffeqarnermi kommune pisussaavoq atorfinnut aalajangersimasunut tunngatillugu meeqqanik pinerliisimannginnermut uppersaarsaammik piniartarnissamut. Taamaasillunilu kommune sulisitsisutut pisussaavoq meeqqanik pinerliisimannginnermut uppersaarsaammik piniarnissamut, inunnut toqqaannartumik meeqqanik 15-it inorlugit ukiulinnik attaveqartuusussanut.

Inatsisartulli kissaatigisimavaat meeqqanik pinerliisimannginnermut uppersaarsaatinik piniarnissamut pisussaaffeqarfik taanna annertusissallugu.

Tamannalu pivoq Meeqqanik pinerliisimannginnermut uppersaarsaatinik piumasaqaateqartussaati-taaneq pillugu Inatsisartut inatsisaata allanngortinnera pillugu Inatsisartut inatsisaata nr. 7, 3. juni 2015-imeersup akuersissutigineqarneratigut. Inatsit atortuulerpoq ulloq 1. august 2015 aallarnerfigalugu, tassuunalu kommunip meeqqanik pinerliisimannginnermut uppersaarsaammik piniartussaanerannut pisussaaffik annertusineqarpoq.

Meeqqanik pinerliisimanginnermut uppersaammik piniarnissamut kommunip pisussaaffiata annertusineqarnera immikkoortutigit pingasutigit pivoq:

- 1) Ulloq 1. august 2015 aallernerfigalugu nammineq angerlarsimaffigisami suliaqarnernut atatillugu meeqqanik pinerliisimanginnermut uppersaammik piniartussaataaneq annertusineqarpoq. Ulloq 1. august 2015 aallernerfigalugu maanna aamma inatsisini piunasaqaa-taalerpoq kommunip meeqqanik 15-it inorlugit ukiulinnik nalinginnaasumik ilaqutariinnut inissiinerni, tassangaannartumik ilaqutariinnut inissiinerni, professionelliusunut ilaqutariinnut inissiinerni aamma ilaqutariinnut oqilisaassisartunut inissiinerni isumannaartassagaa meeqqanik pinerliisimanginnermut uppersaammik pissarsisoqartarnissaa, inoqutigiinni angajoqqaarsiaasuni 15-it sinnerlugit ukiulinnut tamanut, aamma kommunimi imaluunniit angerlarsimaffimmi paaqqinnittartunut, paarsisuusup angerlarsimaffiani ingerlanneqartuni, tamatumani aamma nuuffigineqartunut atatillugu.

Aalajangersakkamik annertusisitsineq tassaavoq paaqqinnittuusumut namminermut meeqqanik pinerliisimanginnermut uppersaammik piniartussaanerup saniatigit, ilassutitut ulloq 1. august 2015 aallernerfigalugu paaqqinnittuusup aappaanut, inooqataanut, ineqartitaanut imaluunniit meeraanut angerlarsimasuusunut, taakkua 15-it sinnerlugit ukioqarpata, aamma meeqqanik pinerliisimanginnermut uppersaammik piniartoqartussaavoq (taamaasillunilu tassa taamaallaat meeqqanik pinerliisimanginnermut uppersaammik piniartoqartussaavoq inoqutigiinni pinerluuteqarsinnaanermut ukiut appasinnerpaaffissaat qaangerneqarsimappata).

Malittarisassat nutaat tunuliaqutaraat inuit uani pineqartut angerlarsimaffimmiittarmata meeqqat ilagalugit, taamalu toqqaannartumik meeqqanut attaveqartarlutik, tatigeqatigiinnermillu pilersitsisinnaallutik.

Meeqqanik pinerliisimanginnermut uppersaammik piniartussaataaneermut piunasaqaat uani pineqartunut tunngasoq atortuulissaaq paaqqinninnernut 1. august 2015 aallernerfigalugu pilersinneqartunut tunngatillugu.

Immikkullu malugeqquneqassaaq inoqarpat 15-it sinnerlugit ukiulinnik paaqqinnittuusup angerlarsimaffianut paaqqinnittuunerup *aallartereernerani* nuuttunik, - taamalu inoqutigiinnut ilaalersunik, - aamma taakkununga meeqqanik pinerliisimanginnermut uppersaammik piniartoqartussaammat.

Tamatumunngalu atatillugu kommunip akisussaaffigaa isumannaassallugu meeqqanik pinerliisimanginnermut uppersaammik piniartoqartussaammat, inunnut pinerluuteqarsinnaanermut ukiukippallaarunnaareersimasunut angajoqqaarsiaasut najugaqarfiannut nuuttunut atatillugu. Tamatumunngalu atatillugu kommunip akisussaaffigaa inunnut 15-it sinnerlugit ukiulinnut ilaqutariit paaqqinnittuusut angerlarsimaffiannut nuuttoqarsimappat, meeqqanik pinerliisimanginnermut uppersaammik piniartoqarnissaa. Soorlu inatsimmut nassuiaatini ersittoq kommune inissiinermut atatillugu piunasaqaatimini piunasaqarsinnaavoq inoqutigiinnut nutaamik isertertoqartillugu ilisimatinneqartarnissamik, nuuttut 15-it sinnerlugit ukiullit pineqartillugit.

- 2) Ulloq 1. august 2015 aallernerfigalugu meeqqanik pinerliisimanginnermik uppersaatinik piniartoqartartussaalerpoq inunnut suliaminnut atatillugu meeqqat 15-it inorlugit ukiullit akornanni aalajangersimasumik najuuttartunut, (2010-mi inatsimmi aalajangersakkaniit anertusisitsineq, tassani taamaallaat meeqqanik pinerliisimanginnermut uppersaammik piniartoqartussaamat, meeqqat 15-it inorlugit ukiullit akornanni toqqaannartumik najuuttartunut, suliaminnut atatillugu).

Assersuutigalugu tassaasinnaavoq økonoma, meeqqanik toqqaannartumik isumaginnittussat atorfinitsitaangitsoq, ingerlatsiviulli iggaviani aqutsisuusussaq, meeqqanik 15-it inorlugit ukiulinnik najorneqartartumi.

Siunissami meeqqanik pinerliisimanginnermut uppersaammik piniartoqartartussaalerpoq økonomamik atorfinitsinnginnermi. Meeqqanik pinerliisimanginnermut uppersaammik piniartussaataaneq atorfilinnut 1. august 2015 aallernerfigalugu atorfinitsinneqartunut atortuuvoq.

- 3) Ingerlatsiviit il.il. suut meeqqanik pinerliisimanginnermut uppersaammik piniartussaataanerup annertusineqarneranut ilaanersut. Taamaattumik kommunip eqqumaffigissavaa aamma bibliotikaritut katersugaasivinnilu sulisunut meeqqanik pinerliisimanginnermut uppersaatinik piniartoqartartussaamat, taakku suliaminnut atatillugu meeqqat 15-it inorlugit ukiullit akornanni suliaqartarpata. Meeqqanik pinerliisimanginnermut uppersaammik piniartussaataaneq atorfilinnut 1. august 2015 aallernerfigalugu atorfinitsinneqartunut atortuuvoq.

Atorfiit suut meeqqanik pinerliisimanginnermut uppersaammik piniartussaannermut pi-
umasaqaammut ilaappat?:

Tamakkiisumik allassimaffiliortoqarsinnaanngilaq, atorfiit sorliit meeqqanik pinerliisimanginnermut uppersaammik inuttalerneqanginnerminni piumasqaateqarfiusariaqarnersut pillugit. Soorlu inatsimmut nassuiaatini atuarneqarsinnaasoq oqartussaasut atorfinitsisuusut (matumani kommunit) atorfinitsinissani ataasiakkaani tamani tigussaasumik nalilersuisussaapput, inuit atorfinitsinneqartussat toqqaannartumik meeqqanut 15-it inorlugit ukiulinnut attaveqartuusussaansut pillugit, imaluunniit aalajangersimasumik meeqqat 15-it inorlugit ukiullit akornanni angalartussaansut pillugit, taamaattumillu meeqqanik pinerliisimanginnermut uppersaammik piniartoqartariaqarnersoq pillugu. Taamatut naliliinermi aalajangiisusooq tassaavoq atorfimmu pineqartumut atatillugu periarfissaqarnersoq nakkutigineqanngitsumik meeqqanut 15-it inorlugit ukiulinnut attaveqartarnissamut, taamalu ukiukinnerusunik atornerluisinnaannermut nalorninaateqartoqarsinnaanersoq pillugu.

Soorluli siuliani oqaatigineqartut atorfiit sorliit meeqqanik pinerliisimanginnermut uppersaammik piniarnissamut tunngavissaqartitsinersut pillugit tamakkiisumik allassimaffiliortoqarsinnaanngikkaluartoq, taamaattoq aalajangiunneqarsinnaavoq kommune pisussaamat meeqqanik pinerliisimanginnermut uppersaammik piniartussaasoq, ilaatigut kommunini sulisussatut tulliuttuni atorfiit allassimasut eqqarsaatigalugit, inuit atorfeqartut toqqaannartumik meeqqanut 15-it inorlugit ukiulinnut attaveqartassappata, imaluunniit meeqqat akornanni inuit pineqartut angalaartassappata:

- Atuarfinni ilinniartitsisut, atuarfinnilu atuartitsisartut allat, tamatumani aamma timelærerit taartaasartullu vikarit
- Perorsaasut, perorsaasunut ikiortit klub-inilu perorsaasut
- Ulluunerani meeqqanik paaqqinnittuusartut – dagplejerit, - paaqqinnittuusartut allat aamma ulluunerani paaqqinnittuusartut perorsaasut
- Meeqquerisut isumaginninnermilu ikiortit
- Inunnik isumaginninnermi siunnersortit
- Pedel-it pedel-illu ikiorta
- Iggavinni kantinanilu sulisut eqqiaasullu (eqqiaanermi sulisunut tunngatillugu aalajangiisuvoq eqqiaaneq atuarfiup / ingerlatsiviup ammanerata nalaani ingerlanneqartarnersoq, meeqqanik 15-it inorlugit ukiulinnik najuuttoqarnerani)
- Atuarfinni tarnip pissusiinik ilisimasallit aamma tarnip pissusiinik ilisimasallit kommunimi atorfeqartut
- Perorsaasutut tapersersortaasartut
- Siunnersortit tamatumani aamma pinngortitamut tunngasumik siunnersortit
- Bibliotekar-it aamma katersugaasivinni sulisut
- Angajoqqaarsiani nalinginnaasumik inissiisarnerni paarsisuusartunut, tassanngaannartumik angajoqqaarsiatut inissiiffiusartuni, professionelliusuni ilaqutariinni inissiiviusartuni aamma ilaqutariinni oqilisaassisutut inissiiviusartuni, aamma inoqutigiinni taamaattuni inunnut allanut 15-it sinnerlugit ukiulinnut tunngatillugu.

Taamaattumik kommunit assersuutigalugu pisussaaffigaat isumannaassallugu meeqqanik pinerliisimannginnermut uppersaatinik ilinniartitsisunut aamma perorsaasunut tamanut kommunit atuarfiini imaluunniit ulluunerani paaqqinnittarfiutaani atorfinitsinneqartunut tunngatillugu piniartarnissaq.

Meeqqanik pinerliisimannginnermut uppersaatinik piniartussaannermut pisussaaffeqarneq atuuppoq atorfinitsinerni, imaluunniit sulisoqarnerni aalajangersimasumik kommunimut attuumasuteqartussanik. *Aalajangersimasumik kommunimut attuumasuteqartussanik* paasineqassaaq atorfinitsinerup aallartinneraniit sivikitsuinnaangitsumik ataasiaannarluniluunniit attuumasuteqartuunnginneq.

Meeqqanik pinerliisimannginnermut uppersaatinik piniartussaataanermit malittarisassat atuupput apeqqutaatinnagu atorfik ulloq naallugu atorfiunersoq, imaluunniit ullup ilaanna atorfiunersoq. Malittarisassat aamma atuupput vikaritut paarlattaasunut, nalunaaquttap akunnermusialinnut aamma sungiussaammik suliffeqartunut – praktikantinut tunngatillugu.

Vikarit pillugit:

Meeqqanik pinerliisimannginnermut uppersaammik piniartoqartussaavoq inuk pineqartoq ataasiaannarluni marlussoriaannarluniluunniit vikariusussaangippat. Tassalu meeqqanik pinerliisimannginnermut uppersaammik piniartoqartussaassanngilaq, immikkut ittumik sivikitsuinnarmilluunniit sulisussamut, siunnertaasimappat pineqartup attuumasuteqarnera ataasiaannarluni pisussaasoq. Tamatumunnga atatillugu misissukkit ataani imm. a aamma b.

Meeqqanik pinerliisimannginnermut uppersarsaatit pillugit inatsisartut inatsisaanni 2010-meersumi § 3, imm. 4 naapertorlugu pisuni marlunni meeqqanik pinerliisimannginnermut uppersarsaammik piniartoqartussaavoq, naak kommuni atorfinititsinermut sulilersitsinermulluunniit atatillugu eqqarsarsimangikkaluarpuunniit pineqartoq aalajangersimasumik atorfeqartussaasoq, kisiannili vika-rituinnaq il.il. sulisussaasoq, ataasiaannartumik annerpaamillu marlussoriaannarluni.

Tassani pisuni marluk pineqartut tassaapput:

- a) Meeqqanik pinerliisimannginnermut uppersarsaammik piniartoqartussaavoq, paasinarsippat inuk pineqartoq vikaritut il.il. sulinermini meeqqanut 15-it inorlugit ukiulinnut attaveqartarsimasoq, minnerpaamik pingasoriarluni, piffissap qaammatinik pingasunik sivisususeqartup iluani. Aamma tassani pineqarsinnaapput pulaartut aliikkusersuisimanerit, assersuutigalugu ingerlatsiviup inuk aggersittarsimappagu meeqqanut erinarsornermik imaluunniit isiginnaartitsinermik sammisaqartitsinernut atatillugu. Pisuni taamaattuni kingusinnerpaamik pingajussaaniq pisoqarfiusumik sapaatip akunnerisa pingasut qaangiunneranni pineqartup meeqqanut 15-it inorlugit ukiulinnut attaveqarsimaneraniit, pineqartumut tunngatillugu meeqqanik pinerliisimannginnermut uppersarsaammik piniartoqartussaavoq.
- b) Pisup aappa aallartissaaq, inuk pineqartoq ulluni ataqatigiissuni minnerpaamik arfinermarlunnik sivisussuseqartuni sulisinneqarsimappat, atorfimmi meeqqanik pinerliisimannginnermik uppersarsaammik piniarfiusimasussami. Tassani assersuutigalugu pineqarpoq inuk immikkut ittumik suliartoqquneqarsimasoq ulloq ataaseq ingerlatsivimmut, kisiannili paasinarsimasoq pineqartoq minnerpaamik ulluni ataannartuni arfineq marlunni atorfimmi pineqartumi sulisusimasoq.

Pisunut a-mi aamma b-mi taamaattoq atuuppoq, tamaallaat meeqqanik pinerliisimannginnermut uppersarsaammik piniartoqarsinnaasoq, naatsorsuutigineqarpat pineqartoq suli siunissami atuarfimmu, ingerlatsivimmut il.il. attaveqartuussasoq. Aalajangersakkanut a-mut aamma b-mut tunuli-aqutaasut tassapput, aallaqqaammut naatsorsuutigineqaraluarpat attaveqarneq piffissami sivikitsuinnarmi pissasoq, taamaattorli aalajangersimanerunngorluni, imaaleriaannaallunilu inuk pineqartoq tatigeqatigiinnermik meeqqanut inuusuttuaqqanulluunniit 15-it inorlugit ukiulinnut pilersitsiartuaarsinnaasoq.

*Inatsit atuuppoq atorfinititsinernut inatsisartut inatsisaasa taakkua marluk atuuffigisaanni pisus-
saaffiusunut meeqqanik pinerliisimannginnermut uppersarsaammik piniartussaaffiusuni.:*

Meeqqanik pinerliisimannginnermut uppersarsaammik piniartussaataaneq atuuppoq atorfinititsinernut 1. august 2010-ip, kiisalu aamma 1. august 2015-ip kingorna pisunut, tassani meeqqanik pinerliisimannginnermut uppersarsaatinik piniartussaataaffiusut atuuffiat aalajangersimasuni anertusineqarmat, atortuulerlunilu. Inatsisilli meeqqanik pinerliisimannginnermut uppersarsaatinik piniarnissamut piumasaaqatitaa atuutinngilaq inunnut 1. august 2010 sioqqullugu atorfinititsinneqartunut, soorlutaaq annertusisitsinerit ulloq 1. august 2015 aallarnerfigalugu pisut taamaallaat atortuutinneqartut assersuutigalugu ilaqutariinni inissiinernut 1. august 2015 aallarnerfigalugu pilersinneqartunut.

Inatsisip 2010-meersup nassuiaataani tamanna pillugu imatut allassimasoqarpoq: ”*Inatsisitigut tunngaviusut nalinginnaasut naapertorlugit toqqaannartumik attaveqartartussanut tunngatillugu meeqqanik pinerliisimanginnermut uppersaammik piniartussaatsinera, siunnersuutip atortuulersinneqarnerata kingorna atorfinitsinernut sulilersitsinernullu taamaallat atuutissaq. Tamatuma nassataraa inunnut siunnersuutip atuutilernera sioqqullugu sulereersunut tunngatillugu meeqqanik pinerliisimanginnermut uppersaatinik piniarnissaq siunnersuut naapertorlugu tunngavissaqas-sangimmat.*”

Taamaasilluni taamaallaat meeqqanik pinerliisimanginnermut uppersaammik piniartoqarsinnaavoq nutaamik atorfinitsinernut nutaamillu ilaqutariinnut inissiinernut atatillugu, pisuni inatsisip atortuulereernerata kingorna. Taamaasilluni kommuni inatsisip malillugit meeqqanik pinerliisimanginnermut uppersaammik piniarsinnaangilaq inunnut atorfinitsinneqartunut 1. august 2010 sioqqullugu, naak atorfirmut pineqartumut atatillugu toqqaannartumik meeqqanut 15-it5 inorlugit ukiulinnut attuumassuteqartoqaraluartoq. Kommunimili atorfilik, - 2010-mi aggustip aallaqqaataata kingorna kommunip iluani atorfirmut nutaamut qinnuteqarsimappat pissutsit allangussapput, pi-sumilu tassani meeqqanik pinerliisimanginnermut uppersaammik piniartoqartussaavoq, pineqartoq meeqqanut 15-it inorlugit ukiulinnut attuumassuteqartussaappat, inatsip naapertorlugu atorfirmut atatillugu uppersaammik piniartoqartussaappat.

Kommunimi atorfirmiit atorfirmut allamut nuunneq:

Aammaarluni meeqqanut pinerliisimanginnermut uppersaammik piniarqartoqartussaangilaq kommunimi atorfilimmut, pineqartoq kommunimi atorfirmut suliffimmulluunniit allamut nuuppat.

Inatsimmut nassuiaatini taamaasilluni ilaatigut ersippoq atorfirmut allamut kommunip iluani nuunnermut atatillugu: ” *Taamaammatt meeqqanik pinerliisimanginnermut uppersaammik nutaamik piniartoqartussaangilaq, assersuutigalugu sulisoq meeqquqerivimmiit meeqquqerivimmut allamut nuuppat, meeqquqeriviit tamarmik kommunip ataatsip ataaniitillugit. Tamatumunnga pissutaavoq kommunimut naleqqiullugu soraarsitsinermik pisoqassangimmat, pineqartoq kommunimi atorfeqareerpat suliffeqareerpalluunniit. Tamatumunngalu pissutaavoq pineqartup oqartussaasup ataatsip iluani – tassalu kommunip – siviisunerusumik sulinnigiffeqaqqaarani nuunna. Illuatungaatigut oqaatigineqarsinnaavoq taamatut ikaarsaariarnermi meeqqanik pinerliisimanginnermut uppersaatinik piniarneqartariaqartut, tassa atorfigereersimasami suliffigereersimasamiluunniit meeqqanik pinerliisimanginnermut uppersaammik piniartoqarsimangippat. Tamanna aamma atuuppoq piffissap siunnersuutip atuutilernera sioqqullugu inunnut atorfeqarsimasunut suliffeqarsimasunulluunniit, takuuk § 6..... ”.*

Assersuut 1: Ilinniartitsisoq ukiut kingullit qulit atuarfimi atorfeqarsimavoq, kissaatigalugulu kommunimi atuarfimi allami atorfininnissani. Pisumi tassani meeqqanik pinerliisimanginnermut uppersaammik piniartoqartussaavoq, immaqa atorfinitsinnginnermi, meeqqanik pinerliisimanginnermut uppersaammik siusinnerusukkut suli inatsip atortuulinngitsiq piniartoqarsimangisaannarmat, taamaattumillu maanna atorfigisamut tunngatillugu inatsisip maanna atuuttup iluaniissimanani.

KANUKOKA-p naliliineraa meeqqanik pinerliisimanginnermut uppersaammik piniartoqartussaasoq nuuttoqarneratigut, kommunip ilinniartitsisullu atorfillip isumaqatigiissutigippassuk

kommunip nammineq iluani atuarfimmut allamut nuunnissaq (taamalu siusinnerusukkut ”atorfigisa-toqqami” meeqqanik pinerliisimanginnermut uppersaammik piniartoqarsimangisaannarpat).

Assersuut 2: Ilinniartitsisoq ukiuni marlunni atuarfimmi atorfeqarsimavoq kommunillu iluani atuarfimmut allamut nuunnissani kissaatigalugu. Atuarfimmi atorfinnissaq sioqqullugu meeqqanik pinerliisimanginnermut uppersaammik piniartoqarnikuvoq (taamani atorfinneq pimmat meeqqanik pinerliisimanginnermut uppersaamat pillugit inatsisip 2010-mi atortuulernerata kingorna). Pisumi tassani meeqqanik pinerliisimanginnermut uppersaammik nutaamik piniartoqartussaangilaq, atuarfimmi nutaami atorfinittitsinnginnermi.

Assersuut 3: Ilinniartitsisoq atuarfimmi ukiuni marlunni atorfeqarsimavoq, kissaatigalugulu kommunimi allami atorfimmi atorfeqalernissani. Atuarfimmi atorfinnissaq sioqqullugu meeqqanik pinerliisimanginnermut uppersaammik piniartoqarnikuvoq (meeqqanik pinerliisimanginnermut inatsisip 2010-mi atortuulernerata kingorna atorfinneq pinikummat). Pisumi uani meeqqanik pinerliisimanginnermik uppersaammik piniartoqartussaavoq, atuarfimmi allami kommunimi nutaami atorfinnissaq sioqqullugu (inatsit naapertorlugu nutaamik atorfinnertut taanna isigineqarmat).

Meerartaarnermut aamma angajoqqaatut sulinngiffeqarnermut allatullu sulinngiffeqarnermut tunngasut:

Inatsimmi § 3, imm. 5-imi soorlu ersittoq meeqqanik pinerliisimanginnermut uppersaammik piniartoqartussaangilaq, pisortaasunut, atuarfimmut, ingerlatsivimmud il.il. attaveqartuunermik taamaatitsigallarneq pippat nalinginnaasumik unikkallarnikkut, assersuutigalugu ukiumit atuarfiusumut ukiumut atuarfiusumut nutaamut ikaarsaarnermi.

Meerartaarnermut, angajoqqaatut imaluunniit allatut sulinngiffeqarnermut atatillugu aallaavittut meeqqanik pinerliisimanginnermut uppersaammik piniartoqartussaangilaq, atorfimmut utseqqinnermut atatillugu, pineqartutut atorfeqarnerup taamatut uninngagallarneri nalinginnaasumik unikkallarnertut pissusissamisoortutut inatsimmi isigineqarmata.

Malugeqquneqassaaq inatsimmi aamma alajangersarneqarmat meeqqanik pinerliisimanginnermut uppersaammik piniartoqartartussaasoq inuiaqatigiinni suliassanut aalajangersimasunut tunngatillugu, kommunip atorfinittussamut sulisitsisuuffiginngisaani, kisiannili pissusissamisoortuunermik kommunip ilisimassagaa meeqqanik pinerliisimanginnermut uppersaammik piniartoqartussaasoq (assersuutigalugu kommunip sunngiffimmud siunnersortaanut ilisimassallugu inissami-niippat). Tamanna assersuutigalugu (namminersortunut) timersoqatigiinni sungiusaasunut, ikiortaasunut il.il. atuuppoq, meeqqanik 15-it inorlugit ukiulinnik najugaqartartunut, imaluunniit spejderini il.il. pisortaasunut ikiortaasunullu tunngatillugu.

Pisuni taamaattuni timersoqatigiiffik, spejderit klub-at il.il. akisussaavoq meeqqanik pinerliisimanginnermut uppersaammik piniarnissamut, tassanilu kommunimi sunngiffimmud siunnersortu il.il. piareersimassapput peqatigiiffiinnut il.il. malittarisassat pillugit siunnersuinissaminnut, isumannaarumallugu inatsisip eqqortinneqarnissaa, kiisalu ilitersuutinik maleruagassiussallutik peqatigiiffiit il.il. meeqqanik pinerliisimanginnermut uppersaatinik piniartarnissaat pillugu.

1.4. Qaagukkut kommune meeqqanik pinerliisimanginnermut uppernarsaammik piniartassava?

Kommune meeqqanik pinerliisimanginnermut uppernarsaammik piniartassaaq inuk atorfinitsineqartussaq suli atorfinitsineqartinnagu. Taamaattoq takukkit siuliani immikkut uppernarsaammik pinianginnissamut aalajangersakkat, inuk pineqartoq kommunimi sulisooreersimatillugu, tassani sulisuuneq ataasiaannartumik arlaqanngitsoriarluniluunniit pisussaasimatillugu. Pisuni taamaattuni meeqqanik pinerliisimanginnermut uppernarsaammik piniartoqartussanngortarpoq, naak kommune atorfinitsinerimi imaluunniit sulilersitsinerimi eqqarsarsimangikkaluartoq inuk pineqartoq kommunimut aalajangersimasumik atasuulissasoq. Tamanna ilaatigut atuuppoq pisuni inuk pineqartoq meeqqanut 15-it inorlugit ukiulinnut qaammatit pingasut ingerlaneranni minnerpaamik pingasoriarluni attaveqartarsimatillugu. Pisuni taamaattuni kingusinnerpaamik pingajussaamik attaveqarnerup kingorna kingusinnerpaamik sapaatip akunnerisa pingasut qaangiutinnginneranni, pineqartup sulisimaneraniit, - suliffimmi meeqqanik pinerliisimanginnermik uppernarsaateqarfiussami, pineqartumut atatillugu meeqqanik pinerliisimanginnermut uppernarsaammik piniartoqartussaavoq.

Kisianni taava kommunip pinngitsoorani meeqqanik pinerliisimanginnermut uppernarsaat utaqqisussaavaa, atorfinitsinnginnermini? Taamaattariaqanngilaq – soorlu inatsimmut nassuiaatini ersittoq, kommune imatut iliorsinnaavoq, kissaatigigaanni qinnuteqartumik ”pitsaasumik” pissarsiniaraanni, sapinngisamik sukkanerpaamik: ”*Kiisalu oqaatigineqassaaq piumasaqaatitalinnik atorfinitsinissat periarfissaqareermata, tamatumunngali atatillugu piumasarineqarpoq meeqqanik pinerliisimanginnermut uppernarsaammik atorsinnaasumik tunniussinissaq, kisiannili meeqqanik pinerliisimanginnermut uppernarsaat meeqqanik 15-it inorlugit ukiulinnik toqqaannartumik attaveqarfiussamik sulinissamik aallartissanngilaq. Tamatuma saniatigut aammattaaq oqaatigineqassaaq ataasiaannarluni marloriarluniluunniit taartaasussamik pissarsiniarnermi uppernarsaammik saqqummiussinissami ilaatinneqanngimmata.....*”.

Taamatut ersarissumik tunuarsimaarnissamut tunngavissaqartillugu, meeqqanik pinerliisimanginnermut uppernarsaatip naammaginaruunissaa, kommune sulisitsisutut atorfinitsinerimi isumaqatigiissummik unioqqutitsinissani taamalu akisussaatinneqarnissani pinaveersaassavaa, atorfinitsinissaq pinngitsuussagaluarpat, meeqqanik pinerliisimanginnermut uppernarsaat atorsinnaassanngikkaluarpas.

1.5. Meeqqanik pinerliisimanginnermut uppernarsaammik piniarnissaq atorfirmut qinnuteqaateqartumit akuersisoqarnissaanik piumasaqaatitaqarpa?

Meeqqanik pinerliisimanginnermut uppernarsaammik qinnuteqartumut atatillugu piniartoqannginnerani qinnuteqartoq pineqartoq allakkatigut tamatumunnga akuersissaaq.

Inatsimmi § 2, imm. 4 naapertorlugu akuersissut pineqartoq nalunaarutigineqarnerminiit ukioq ataaseq qaangiuttoq atorunnaassaaq. Aalajangersakkamilu aamma ersippoq paasissutissat suut akuers-

sissummut ilaassanersut, soorluttaaq ersittoq kommunip meeqqanik pinerliisimannginnermut akuersissummik qinnuteqarnermini nalunaassagaa paasissutissat sumut atorneqarnissaannik qanoq siunertaqartoqarnersoq.

Qinnuteqartoq akuersinermi kingunerisinnaasai pillugit naammattumik ilisimatinneqarsimaqqullugu kommunip inatsip assilineqarnera – imaluunniit taassuma ilaa pisariaqartoq – inummut pineqartumut tunniuttariaqarpaa, paasissutissanik aallersinnaanermut akuersissutaata atsiortinnginnerani.

Kisianni, qanoq pisoqassava qinnuteqartoq kommunip meeqqanik pinerliisimannginnermut uppernarsaammik piniarsinnaanera akueriumanngippagu? Tamanna pissagaluarpaa, tamatuma kingunerinnassavaa meeqqanik pinerliisimannginnermut uppernarsaat piniarneqarsinnaassanngitsoq, taamalu pineqartoq qinnuteqarsimasoq atorffimmut innersuunneqarsinnaassanngitsoq.

Akuersissut tunngaviusumik pineqartassaaq pinerliisimannginnermut uppernarsaammik piniarsinnaanermut akuersinissamut immersugassap immersorneqarneratigut, taanna Rigspolitiinut nassiunneqartussaammat, - tamatumunngali tunngasut kingusinnerusukkut imm. 1.9-mi.

1.6. Meeqqanik pinerliisimannginnermut uppernarsaammiittut paasissutissat qanoq atorneqassappat, paasissutissat Rigspolitiiniit tiguneqareernerisigut?

Paasissutissanik allanut ingerlatitseqqinneq:

Meeqqanik pinerliisimannginnermut uppernarsaammiittut paasissutissat isertuussassaapput, tamannalu atuuppoq uppernarsaat pinerliisimanermik imaluunniit pinerliisimannginnermik imaqaraluarpalluunniit. Tamanna isumaqarpoq inuit meeqqanik pinerliisimannginnermik uppernarsaammik takusaqartut, imaluunniit imarisai pillugit paasitinneqartut nipangiussisussaataasut, meeqqanik pinerliisimannginnermut uppernarsaat qanoq ittunik imaqarnersoq pillugu.

Nipangiussisussaataaneq ilaatigut isumaqarpoq, meeqqanik pinerliisimannginnermut uppernarsaammiittut paasissutissat kommunimi sulisunut susasaqanngitsunut ingerlatseqqinneqarsinnaanngitsut. Taamaattumik uani pingaarnertut oqartoqarsinnaavoq paasissutissat pineqartut taamaallaat ingerlatseqqinneqarsinnaasut kommunimi / atorfimmi / ingerlatsivimmi sulisuusunut, atorffinititsiniernermi peqataasunut, assersuutigalugu immikkoortortami pineqartumi pisortaasumut, aamma imaluunniit atorffinititsinissamut ataatsimiititaliamut, taamaattumik pilersitsisoqarsimappat. Siuliani pineqartumi atorffilimmit pisinnaatitsissutitut akuersissummi ersissaaq paasissutissat kikkunnut ingerlatseqqinneqarsinnaanersut.

Meeqqanik pinerliisimannginnermut uppernarsaammiittut paasissutissat ingerlatseqqinneqarsinnaanngillat inunnut atorffinititsinermut suliaqartut avataanniittunut, inummit paasissutissanut tunngasumik pigisaqartumit akuersissutitaqanngitsumik. Tamannalu atuuppoq kommunip nammineq iluani ingerlatitseqqissinnaanermut aamma kommunip avataanut ingerlatitseqqissinnaanermut il.il. atatillugu.

Inatsisinik unioqqutitsilluni paasissutissanik ingerlatitseqqittoqassagaluarpaa tamanna akiliisitaanermik kinguneqarsinnaavoq, inatsisartut inatsisaat meeqqanik pinerliisimannginnermut upper-

narsaatiniq piniartarnermut tunngasumik atuuttoq naapertorlugu, aamma Kalaallit Nunaanni pinerluttulerinermut inatsit naapertorlugu, soorluttaa q tamanna atorfeqarnikkut kinguneqartinneqarsinnaasoq.

Uppernarsaat tiguneqareernermini aserorterneqassaaq:

Meeqqanik pinerliisimannginnermut uppernarsaammik piomasaaqateqartussaataaneq pillugu inatsimmi § 4 naapertorlugu pisortat meeqqanik pinerliisimannginnermut uppernarsaammik piomasaaqarsimasut uppernarsaammik tigusaqarnermi kinguninngua uppernarsaat aserortissavaat.

Inatsimmullu nassuiaatini ilaatigut aserorterinissaq pillugu imatut allassimasooqarpoq: ”*Ilutigisaanik inatsisissatut siunnersuutip § 4-aani ersippoq, meeqqanik pinerliisimannginnermut uppernarsaammi paasissutissat aserorterneqartussaasut paasissutissat misissorneqarsimatsiarpata, taamaattumillu assersuutigalugu paasissutissat qarasaasiami nalunaarsuiffimmut ilineqassanngitsut....*”.

Tassalu pissusiviusut imaapput, meeqqanik pinerliisimannginnermut uppernarsaat aserorterneqartussaasoq atuarneqareeruni / atorneqareeruni.

Uppernarsaammi paasissutissat allassimasut allakkiamut nalunaarsorneqassapput, taamalu paasissutissat atorneqarsinnaassallutik inunnit atorfinittisinermi peqataasunit (pisortat ingerlatsinerat pillugu paasitinneqarsinnaatitaaneq pillugu inatsimmi allattuisussaataaneq). Uppernarsaatitut meeqqanik pinerliisimannginnermut uppernarsaammi kommunip allakkiap ata tungaa (titarneerallip ataa) toqqussallugu isumaliutigisinnaavaa, nalunaarsuiffimmi Rigspolitiiniit tiguneqartumiittoq.

Kommunip tamatumunnga atatillugu isumannaassavaa, paasissutissat allakkiani pineqartutut ittuniittut susassaqqanngitsunit ilisimaneqalinnginnissaat, soorluli inuit paasissutissanik pineqartunik ilisimasallit nipangiussisimasussaataasut.

Inummik toqqaasoqassaaq meeqqanik pinerliisimannginnermut uppernarsaatiniq tiguisartuusussamik:

Inatsimmut nassuiaatini naatsorsuutigineqarpoq assersuutigalugu kommune inummik imaluunniit inunnik aalajangersimasunik toqqaassasoq, kommunimi atorfinittisinermi aqqissuussaannikkut pissusiviusut qanoq ittuuneri tunngavigalugit, akisussaasuusussanik meeqqanik pinerliisimannginnermut uppernarsaatiniq tiguisartussanik, paasissutissanillu pineqartunik susassaqqartuinnut ingerlatitseqqittartussanik. Tamanna isumannaarumallugu inuit eqqortut ikittunguillu paasissutissanik pineqartunik pigisaqqartarnissaat.

Tamatuma saniatigut inatsimmut nassuiaatini ersippoq: ”*Tamatuma saniatigut atorfinittisartup qularnaassavaa, pisortaqqarfimmi, suliffeqqarfimmi, peqatigiiffimmi il.il. inuup meeqqanik pinerliisimannginnermut uppernarsaatiniq tiguisussap paasissutissat qanoq tiguneqarnissaat pillugu erseqqissumik paatsoorneqarsinnaanngitsumillu ilitsersorneqarnissaa, tassungalu ilaatillugu qularnaassallugu inuup pineqartup paasissutissat susassaqqanngitsunit takuneqannginnissaasa qularnaarnissaannut tigussaasunik teknikkikullu atortoqarnissaa. Ilitsersuineq ilaatigut pisinnaavoq inuup pineqartup paasissutissanik angerlarsimaffimmini suliarinninnissaa inerteqqutigalugu,*

imaluunniit qularnaarlugu pineqartup nalunngikkaa uppersaammi paasissutissat atuarneqareersullu uppersaat aserorterneqartussaasoq, taamatullu meeqqanik pinerliisimannginnermut uppersaatit qanorpiaq isumannaatumik aserorterneqarnissaat pillugu erseqqissumik ilitsersuuteqartariaqarluni.”

Qulaani nassuiaatit innersuussutigalugit kommuninut inassutigineqassaaq, - suli pineqartutut ilitsersuutinik suliaqareersimanngikkaanni, ilitsersuutinik suliaqartoqassasoq, ilaatigut ersarissumik allaaserinnittumik meeqqanik pinerliisimannginnermut uppersaatit qanoq periaaseqarfigneqartussaansut. Kommunip aamma iluaqutaasumik isiginiassavaa maanna meeqqanik pinerliisimannginnermut uppersaatinik piniartarneq aaqqissuussaanersoq, tamatumani aamma inummik aalajangersimasumik inunnilluunniit ikittunik toqqaasoqarsimanersoq uppersaatinik piniartartunik.

1.7. Kommune qanoq pissusilersussava meeqqanik pinerliisimannginnermut uppersaat pinerliisimanermut nalunaarsuutitaqarpat?

Uppersaat pinerliisimanermut paasissutissanik imaqarpat, taakkua qinnuteqartup ataatsimut naliliiffigneqarnerani ilaatinneqassapput:

Pisuni, kommunip meeqqanik pinerliisimannginnermut uppersaammik aallersimanerani, tassanilu paasissutissartaqarpat, inuk pineqartoq eqqartuussivimmi ataasiarluni arlaleriarluniluunniit pineqaatissinneqarsimasoq, pinerluttaalisitsinnermut inatsimmik unioqqutitsisimasutut: Paasissutissat taamaattut qinnuteqartup atorfirmut pineqartumut tunngatillugu naliliiffigneqarnerani annertuutut oqimaalutarneqartumik ilanngunneqassapput, kisianni kommunip qinnuteqartoq tunuartiinnarsinnaangilaa, innersuullugu taanna ”ipeqanngitsumik” allagartaqanngitsoq. Pisortatut sulisitsisut taamaasillutik pisussaaffeqarput tigussaasumik nalilersussallugu qinnuteqartup atorfirmut pineqartumut inuttassarsiuunneqartumullu qanoq naleqqutsiginera pillugu, tassanilu meeqqanik pinerliisimannginnermut uppersaat pinerliisimanermik nalunaarsuinermit ”iperterneqarsimasoq”, siuliani pineqartutut ittoq annertuumik naleqassaaq.

Ajornartorsiut taanna pillugu inatsimmut nassuiaatini imaattunik allassimasoqarpoq:

”Tamatumunngali atatillugu nalunaarneqassaaq siunnersuut danskit inatsisaattulli matuma assigisaatut toqqaannartumik inerteqquteqanngimmat, ingerlatsiviit, peqatigiiffiit il.il. atorfinititsisinnaanerannut imaluunniit sulisitsisinnaanerannut inunnik meeqqanik pinerliisimanermut uppersaatiminni allassimasuuteqartunik....., suli maannamutut pisortat atorfinititsisusut inaaru-taasumik aalajangiisussaammata inummik atorfinititserusunnerlutik uppersaatiminni meeqqanik pinerliisimanermut nalunaarsuuteqartunik, suliat ataasiakkaalugit naliliinerit tunngavigalugit”.

Illuatungeriinnik tusarniaaneq:

Meeqqanik pinerliisimannginnermut uppersaammi pinerliisimanermut nalunaarsuuteqarpat – taava illuatungeriinnik tusarniaasoqassaaq, sulianik ingerlatsisarnermut inatsimmi § 19 naapertorlugu, inaarutaasumik atorfinititsinnginnissaq pillugu aalajangiisoqannginnerani. Tamannalu tigussaasumik pissaq kommunimit illuatungiliuttup (qinnuteqartup) allaffigneqarneratigut, nalunaaru-

tigalugulu meeqqanik pinerliisimanginnermut uppersaammik pissarsisoqarsimasoq, tassanilu nalunaarneqarsimasoq pineqartoq pinerluttaalisitsinnermut / pineqaatissiisarnermut inatsimmik uni-
oqqutitsisimasoq, kommunillu qinnuteqartoq piffissaleraa oqaaseqaatissaqaruni oqaaseqaateqarnis-
saanut, suliamut tunngatillugu.

Illuatungiusup tusarniaavigineqarnissaanut tunngatillugu inatsimmut nassuiaatini imaattunik allas-
simasoqarpoq: ”*Tamatumunnga atatillugu paasissutissanik piniarnikkut pissarsisoqarpat qin-
nuteqaateqartumut akornutaasussanik, paasissutissallu pissarsiarineqartut tunngavissiippata qin-
nuteqartup atorfinitsinninnissaanut, taava pisussaaffiulissaaq allakkiamik suliaqarnissamut paa-
sissutissat pineqartut imarisaat pillugit, soorlu tamanna nalunaarsuisussaatitaanermut inatsimmi §
6 naapertorlugu pisussaaffiusoq. Paasissutissat pineqartut qinnuteqartumut pineqartumut ajoqu-
taasussaammata, suliallu aalajangiivigineqarnissaanut aalajangiisumik isumaqarmata, illuatunge-
riinnik tusarniaasoqartussaavoq, sulianik nalunaarsuisussaatitaanermut inatsimmi § 19 naapertor-
lugu pisussaasumik, tamannalu isumaqarluni qinnuteqartoq periarfissinneqassasoq oqaaseqaa-
teqarnissaminut, inaarutaasumik aalajangiinerup pinnginnerani*”.

1.8. Meeqqanik pinerliisimanginnermut uppersaatip pinerluuteqarsimanermut upper- narsaat taarserpaa?

Meeqqanik pinerliisimanginnermut inatsit akornusiinngilaq kommunip pinerluuteqarsimanermut
uppersaammik piniarsinnaananut, aalajangiinissamini tunngavissat ilaattut, kommunimi su-
lisussanik atorfinititsisarnerni. Soorluli uani allakkiami kingusinersukkut ersittoq pinerluuteqarsi-
manermut uppersaatit pineqartut paasissutissanik imaqarput, pinerluutaasimasut pineqaatissiis-
sutaasinnaasut pillugit, kinguaassiuutitsigut pinerluutaasimasut saniatigut, assersuutigalugu anner-
saasimanermut iluanaarniutigaluguluunniit pinerluuteqarsimanermut pineqaatissiisutaasimasut
pillugit, atorfimmik inuttaliinissamut ilisimassallugit pingaaruteqarsinnaasunik.

Illuatungaatigulli meeqqanik pinerliisimanginnermut uppersaammik piniartussaataitanermut
inatsimmut nassuiaatit naatsorsuutigaat assersuutigalugu kommunit siunissami annikinnerusumik
pinerluuteqarsimanermut uppersaatinik piniartalernissaat, maanna piunasaqaataalermat
meeqqanik pinerliisimanginnermut uppersaatinik piniartussaataitaneq.

Uani allakkiami immikkoortoq II-mi naatsumik allaaserineqarpoq pinerluuteqarsimanermut upper-
narsaatinik piniarsinnaaneq.

1.9. Ersarinnerusumik meeqqanik pinerliisimanginnermut uppersaatinik piniartarneq, kingornagullu meeqqanik pinerliisimanginnermut uppersaatit qanoq iliuseqarfigi- neqartarnissaat:

Matuma ataani naatsumik sammineqarpoq periaasissatut inassutigineqartoq, uppersaammik pini-
artarnermi kingornatigullu meeqqanik pinerliisimanginnermut uppersaatip qanoq periaaseqarfigi-
gineqartarnissaa. Kommune pinngitsoorani namminerisaminik maleruagassaateqartariaqarpoq,
meeqqanik pinerliisimanginnermut uppersaatinik piniartarnermut atatillugu, taamaasillunilu
isumannaarneqarluni inatsimmi maleruagassat malinneqarnissaat.

Atorfimmik inuttassarsiuilluni allagarsiineq:

Atorfimmik inuttassarsiuilluni allagarsiisummi kommunip iluaqutaasumik allassinnaavaa, meeqqanik pinerliisimannginnermut uppersaammik atorfirmut pineqartumut atatillugu piniartoqarumaartoq.

Tamannalu imaattunik oqaasertaliinikkut pisinnaavoq: *Atorfik una meeqqanik pinerliisimannginnermut inatsit naapertorlugu uppersaammik piniartoqarnissaanut pisussaaffiliivoq. Inatsit naapertorlugu atorfinititsinissaq aatsaat aallartinneqarsinnaavoq meeqqanik pinerliisimannginnermut uppersaammik piniartoqareerneratigut.*

Meeqqanik pinerliisimannginnermut uppersaatit kommunip kimik atorfinititsinissamik nalilersuinerani ilaatinneqassapput”.

Kommunilu aamma pinerluuteqarsimanermit uppersaammik piniarniarpat atorfirmut aalajangersimasumut atatillugu, tamanna inuttassarsiuinnermit allagarsiisummi nalunaarneqartariaqarpoq, - kommune meeqqanik pinerliisimannginnermut uppersaammik aammalu pinerluuteqarsimanermit uppersaammik piniarniarpoq.

Inummik meeqqanik pinerliisimannginnermut uppersaatinik piniartartussamik tiguisartussamillu toqqaaneq:

Inassutigineqassaaq inuk ataaseq aalajangersimasooq ingerlatsivimmi aalajangersimasumi meeqqanik pinerliisimannginnermut uppersaatinik allaffissornikkut suliaqartuusassasoq. Taanna tassaasinnaavoq HR-imut immikkoortortqarfimmi atorfilik, imaluunniit immikkoortortami allami atorfilik kommunip tulluarterinnerusaa tunngavigalugu. Soorlu siusinersukkuq eqqaaneqareersoq, inatsimmut nassuiaatini naatsorsuutaavoq kommunip assersuutigalugu inuk aalajangersimasooq toqqassagaa (imaluunniit inuit ikittunnguit, kommunimi namminermit suna atorfinititsisarnermi aqqissuusaanermit atatillugu pissusissamisoornerunersoq aallaavigalugu) meeqqanik pinerliisimannginnermut uppersaatinik piniartartussat, aammalu uppersaatini paasissutissanik susassaartunut eqqortunut ingerlatitseqqittartuusussamik. Taamatut aqqissuussisoqassaaq isumannaarumallugu paasissutissat tamakkua inunnut aalajangersimasunut toqqaannartumik tunngalluinnartut sa-pinngisamik inuit ikittuinnaat pissarsiarisinnaasassagaa.

Pappialamik immersortakkamik atuineq (skemamik)

Meeqqanik pinerliisimannginnermut uppersaatit rekvisition-i aalajangersimasooq ataaseq tunngavigalugu piniarneqartassapput, taannalu immersorneqareeraangami Det Centrale Kriminalregisterimut nassiunneqartassaaq. Immersortagaq taanna ilisimatitsissutitut allakkiamut uunga ilanngullugu nassiunneqarpoq.

Immersortakkami krydsilerneqassaaq kissaatigineqartoq inuk atiatigut taasaq atorfinititsinniarnear-toq imaluunniit sulisoriniarnear-toq paasisaqarfiginiarnear-toq, soorluttaaq pappiala immersugaq inummik paasissutissanit tiguisussamit atsiorneqartussaasoq. Pappilissap immersortakkap akuer-

sissuteqarnermut immikkoortuani inuk paasissutissanik aallerfigineqartoq nalunaassaaq paasissutissanik imminut tunngasunik ingerlatsivimmit, peqatigiiffimmit il.il. Kriminalregisterimiit aallertoqarsinnaaneranut akuersilluni. Immersugaq rekvisition-i taava Det Centrale Kriminalregister-imut nassiunneqassaaq. Paasissutissallu pineqartut tiguneqarpata taava meeqqanik pinerliisimannginnermut uppersarsaat isertuussassatut atorneqassaaq, nipangiussisussaataitanermullu aalajangersakkat nipangiussinissamullu aalajangersakkat allat ilanngullugit ataqpineqarlutik malinneqassallutik.

Meeqqanik pinerliisimannginnermut uppersarsaat ajortunik imaqqangippat, taava taanna piniarfiusumut utertinneqassaaq krydsiliiffissami nalunaarneqarsimalluni ”Paasissutissanik peqqangilaq, takuuk Inatsisartut inatsisaanni § 2, meeqqanik pinerliisimannginnermut uppersarsaammik piniar-nissamut pisussaaffeqarneq pillugu aalajangersagaq”. Meeqqanik pinerliisimannginnermullu upper-narsaammi paasissutissanik ajortunik paasissutissiisoqarsimappat taava Rigspolitiit rekvisitioni immersugaq utertissavaa krydsilerlugu allaffissaq ”Takukkit ilanngunneqartut”.

Akuersissut:

Kommunip qulaani pineqartutut qinnuteqartumit pineqartumit akuersissut pissarsiarissavaa. Takuuk ilanngunneqartoq skema ”Meeqqanik pinerliisimannginnermut uppersarsaat, - Kalaallit Nunaanni atugassaq” immersorneqartussaq.

Qinnuteqartoq akuersissuteqarnerup kingunerisassaanut tunngatillugu naammattumik paasisaqar-sinnaaqullugu kommunit inatsisip assileneqarneranik tunisariaqarpaa, meeqqanik pinerliisiman-nginnermut uppersarsaammik piniartussaataitanermut tunngatillugu, - imaluunniit inatsisip assi-lineqarnerata ilaanik – paasissutissanik aallertoqarsinnaaneranut akuersissummik atiuisitsisoqan-ginnerani.

Meeqqanik pinerliisimannginnermut uppersarsaammi paasissutissanik ingerlatitseqqinneq:

Inuk imaluunniit inuit meeqqanik pinerliisimannginnermut uppersarsaatini piniareernermi sulia-mik ingerlatsisussat immikkoortortami pineqartumi pisortaasumut nalunaassapput (immikkoortor-tami atorfiup pineqartup inissisimaffigisaani) aammalu atorfinittisinarnermi uani pineqartumi ata-atsimiititaliami akisussaasuusumut, meeqqanik pinerliisimannginnermut uppersarsaat piniarneqar-simasoq pillugu, taassumalu imarisai pillugit. Atorfinittisinarluni suliaq taamaasilluni ingerlaqqis-sinnaalerpoq.

Eqqaamajuk meeqqanik pinerliisimannginnermut uppersarsaat nungutserlugu aserorterneqartus-saammatt uppersarsaatip atuarneqareerneratigut, taanna paasissutissanik pitsaangitsunik imaqarpat imaluunniit aamma imaqqangikkaluarpulluunniit. Meeqqanik pinerliisimannginnermut uppersar-saatip imarisai allakkiamut nalunaarsorneqassapput, susassaqqangitsunillu imarisai ilisimaneqaler-sinnaassanatik.

Meeqqanik pinerliisimannginnermut uppersarsaammik Rigspolitiiniit piniarsimanermut upper-narsaatitut kommunip isumaliutigisinnaavaa uppersarsaatip ataatungaa (naqinneqqanik toornernik nalunaakkap ataaniittoq) allakkiaminut (notatimut) kakkiutissallugu.

Meeqqanik pinerliisimannginnermut uppersarsaat ajortunik imaqqangippat:

Meeqqanik pinerliisimannginnermut uppersarsaat paasissutissanik ajortunik imaqqangippat immer-sortagaq uppersarsaammik piniarnermut atatillugu immersorneqartoq Rigspolitiiniit utertinneqaan-nassaaq immikkoortumi krydsiliiffissami nalunaarneqarluni ”Paasissutissanik soqqangilaq, takuuk § 2 meeqqanik pinerliisimannginnermut uppersarsaammik piniartarnermut atatillugu pisussaaffimmut tunngasoq”. Uppersarsaat nungutserlugu aserorterneqassaaq, allakkiamillu tamanna pillugu suli-aqartoqarluni.

Meeqqanik pinerliisimannginnermut uppersarsaat pinerliisimanermit paasissutissanik imaqqarpat:

Eqqaamajuk:

- Meeqqanik pinerliisimannginnermut uppersarsaat tiguneqarsimatsiarluni / atuarneqareeruni nungutserlugu aserorterneqartussaammat (meeqqanik pinerliisimannginnermut uppersarsaatiniik piniartarnermut atatillugu akisussaasutut toqqarneqarsimasumit).
- Illuatungiusumik tusarniaaneq inaarutaasumik aalajangiinnginnermi, pineqartoq atorfinitsin-neqarsinnaanersoq atorfinitsinneqarsinnaannginnerlorluunniit pillugu. Illuatungiusumik tusarniaa-nermi taanna naammattumik piffissaqartinneqartariaqarpoq suliarmut oqaasissaqaruni oqaaseqaa-teqarnissaminut.
- Qinnuteqaat piiginnarneqarsinnaanngimmat innersuutiinnarlugu meeqqanik pinerliisimanngin-nermut uppersarsaat pinerliisimanermit paasissutissanik imaqqartoq, kisiannili meeqqanik piner-liisimannginnermut uppersarsaat aamma pinerliisimanermit paasissutissartalik ataatsimut na-lilersuinermi ilaatinneqartussaammat. Kisiannili qanorluunniit ilioraluaaraanni pinerliisimanermit paasissutissanik imalik uppersarsaat qinnuteqartup nalilersornerani annertuumik oqimaas-suseqartumik ilaassaaq.

Pinerluuteqarsimanermit uppersarsaat

Immikkoortoq una naatsumik pinerluuteqarsimanermit uppersarsaatit pillugit allaaserinninnermik imaqqarpoq, qaqugukkullu kommuni taamaattumik piniarsinnaanersoq pillugu.

Pinerluuteqarsimanermit uppersarsaatit assigiinngitsut marluupput (meeqqanik pinerliisimanngin-nermit uppersarsaat pinerluuteqarsimanermit aamma uppersarsaataasoq, tassani meeqqanut 15-it inorlugit ukiulinnut kinguaassiuutitsigut atornerluisimanermit pineqaatissiisoqartarmat) Tama-tumani pineqqarput:

- 1) Pinerluuteqarsimanermit uppersarsaat tamanut ammasoq (aamma pinerluuteqarsimanermit uppersarsaatit angisuutut taaneqartartoq), aamma
- 2) Pinerluuteqarsimanermit uppersarsaat nammineq pigisaq (aamma pinerluuteqarsimanermit uppersarsaatit mikinertut taaneqartartoq)

Pinerluuteqarsimanermut uppersaatait meeqqanik pinerliisimanninnermut uppersaatinut atatillugit oqaluuserigutsigit, uani allakkiami siusinersukkut ersippoq meeqqanik pinerliisimanninnermut uppersaammik piniartussaataanerup kommune akornusinnikkaa pinerluuteqarsimanermut uppersaammik atugaqarnissaanut, kommune atorfinititsinissaminut atatillugu aalajangerniarnermini, suliamut pineqartumut atatillugu tamanna pissusissamisoorutut nalilerneqarpat. Meeqqat atuariini ingerlatsivinnilu il. il. atorfinititsinernut atatillugu taamaasilluni naleqquttuusinnaavoq paasisaqarfigissallugu, kinguaassiuutitsigit pinerluuteqarsimasooq inunnut 15-it sinnerlugit ukiulinnut imaluunniit annersaasimasumut iluanaarniutigaluguluunniit pinerliisimasumut tunngasumik paasissutissat. Kiisalu aamma assersuutigalugu naleqquttuusinnaavoq kommunimut pinerluuteqarsimanermut uppersaataat piniassallugu, pisuni meeqqanik pinerliisimanninnermut uppersaammik piniarfiusussaannigitsuni. Tamanna assersuutigalugu atuussinnaavoq ulloq unnuarlungerlarsimaffinni inersimasunik sullissiffiusunut tunngatillugu, imaluunniit angerlarsimaffinni ikiortinut, angerlarsimaffinnut suliarortartunut, taamaattuni inissaminiissinnaammat paasissallugu pineqartumut atatillugu pineqaatissiisooqartarsimansooq il.il. assersuutigalugu annersaanernut tilliniarnernulluunniit tunngasuni.

Illuatungaatigulli inatsimmut nassuiaatini naatsorsuutigineqarpoq meeqqanik pinerliisimanninnermut uppersaammik piniartoqarnissaanut pisussaaffeqartoqarnera pissutigalugu kommunit siunissami assersuutigalugu annikinnerusumik pinerluuteqarsimanermut uppersaammik piniartalernissaat, maanna meeqqanik pinerliisimanninnermut uppersaammik piniartussanngornerup kingunerisaanik.

Kommuni pinerluuteqarsimanermut uppersaatinik atuinissamut tunngatillugu malittarisassaarnissaa pissusissamisuusaaq, Suleqatigiinnermut ataatsimiititaliami apeqqut sammeneqareersimatillugu.

2.1. Pinerluuteqarsimanermut uppersaataat tamanut ammasooq

Kommune pisuni aalajangersimasuni pinerluuteqarsimanermut uppersaammik tamanut ammasuut oqaatigineqartumik piniarsinnaavoq, taanna meeqqanik pinerliisimanninnermut uppersaatinut aamma pinerluuteqarsimanermut uppersaammit nammineq pigisamit paasissutissartaqarnerummat. Pinerluuteqarsimanermut uppersaataat tamanut ammasooq taamaasilluni tassaavoq pinerluuteqarsimanermut uppersaataat paasissutissanik imaqarnerpaaq, eqqartuusasimanerit il.il. pil-lugit, soorluttaaq pinerluuteqarsimanermut uppersaatait tamanut ammasut siviunerusumik takuneqarsinnaasartut, pinerluuteqarsimanermut uppersaatinut nammineq pigisanut sanilliullugit.

Pinerluuteqarsimanermut uppersaataat tamanut ammasooq eqqartuusasimanermut, akiliisitaasimanermut, arsaagaasimanernut aamma unnerluussanernut atorunnaarsimasunut tunngasunik imaqartarpoq. Pinerluuteqarsimanermut uppersaammik paasissutissat inatsisunik unioqutitsisimanernut tunngasut minnerpaamik ukiuni qulini takuneqarsinnaasapput, eqqartuusinnermut, akiliisitaanermi it il.il. naatsorsorlugit.

Pinerluuteqarsimanermut uppersaataat tamanut ammasooq kommunimit Rigspolitiinut piniarneqartarpoq.

Pinerluuteqarsimanermut uppersaammik piniartoqannginnerani piunasaqaataavoq inuup pineqartup akuersisimanissaa.

Qaqugu kommune pinerluuteqarsimanermut uppersaammik tamanut ammasumik aallersinnaanersoq Det Centrale Kriminalregister-ip nalunaarusiaani maleruagassanit paasineqarsinnaavoq. Tasanilu taamaasilluni paasineqarsinnaavoq kommune taamaallaat pinerluuteqarsimanermut uppersaammik tamanut ammasumik aallersinnaasoq pisuni aalajangersimasuni / atorfinnut aalajangersimasunut tunngatillugu. Malittarisassallu pineqartut periarfissaqartitsinngippata pinerluuteqarsimanermut uppersaammik tamanut ammasumik aallernissamut, kommune taamaallaat pinerluuteqarsimanermut uppersaammik nammineq pigisatut taaneqartumik aallersinnaalissaaq, tamanna pisunut tunngatillugu pisariaqartuuppat, aammalu pisariaqarpat meeqqanik pinerliisimannginnermut uppersaammik, inatsit naapertorlugu pisussaataasooqarpat meeqqanik pinerliisimannginnermut uppersaammik piniarnissamut.

Unalu allasimaffik tamakkiisuunngikkaluartoq, qaqugukut kommune pinerluuteqarsimanermut uppersaammik tamanut ammasumik aallersinnaanersoq pillugu atorfinnik inuttaliinissamut atatillugu, oqaatigineqarsinnaavoq kommune pinerluuteqarsimanermut uppersaammik tamanut ammasumik piniarsinnaasoq. Atorfinititsinerni imaattuni:

- Inuk pineqartoq meeqqanik ulloq unnarlu nammineq paarisqaarnissamut akuersissummik piniarpat, imaluunniit ulluunerani akiliisitsilluni paaqqutarinnittuunissamik, taassumalu aappaa aamma allat meeqqanik paaqqutarinninnermi ikiuuttussat.
- Meeraaqqerivimmi, meeqqerivimmi, atuareernerup kingorna ornittakkani, aamma sunngiffimmi sammisasaqartitsivinni inuusuttullu klub-iini sulisunut il.il.
- Ulluunerani paaqqinniffinni aamma inersimasunut ineqarfiusuni suliffissarsiortut, kiisalu inuit namminersortutut ineqarfinnik neqerooruteqartatut.
- Meeqqat atuarfianni atorfinitsinneqarnissamik qinnuteqartut, atorfeqarnerminnullu atatillugu toqqaannartumik atuartunut attaveqartartussaasut. Taakkua ilinniartitsisutut atuarfiullu pisortaatus atorfinnik ilaqarput. Aamma pedel-itut, anitsiartarfimmi nakkutilliisunut, eqqiaasutulluunniit sulisuusut, taakkunungalugu tunngatillugu ataasiakkaarlugit naliliinernik pisoqartassaaq, suliffiit pineqartut atuartunut attaveqarnermik kinguneqartarnerisut pillugit.

Siuliani allasimaffimmi takuneqarsinnaavoq ilaatigut pinerluuteqarsimanermut uppersaammik tamanut ammasumik piniartoqartarsinnaasoq meeqqat atuarfianni ilinniartitsisunut imaluunniit perorsaasutut meeqqerivinni atorfeqartunut, soorluttaaq immikkoortumi siulianiittumi meeqqanik pinerliisimannginnermut uppersaatinut tunngatillugu ersittoq kommune pisussaasoq ilinniartitsisutut meeqqerivinnilu perorsaasutut atorfiit inuttalernerneqarnissaanni meeqqanik pinerliisimannginnermut uppersaammik piniartoqartartussaasoq. Tassa imaappoq pisuni taamaattuni pinerluuteqarsimanermut uppersaammik tamanut ammasumik piniartoqartartussaasoq, aammalu meeqqanik pinerliisimannginnermut uppersaammik piniartoqartartussaasoq. Pinerluuteqarsimanermut uppersaamat tamanut ammasoq kommunip piniarsinnaavaa, - kisianni pisussaaffeqarani, kommunili pisussaavoq meeqqanik pinerliisimannginnermut uppersaammik piniassalluni, as-

sersuutigalugu qinnuteqartoq meeqqat atuarfinni ilinniartitsisuusussaappat imaluunniit ulluunerani meeqqerivimmi perorsaasutut sulisuusussaappat.

Kommunilli aallaavittut pinerluuteqarsimanermut uppersarsaat piniarsinnaangilaa utoqqarnut isumaginninnermik suliaqartunut angerlarsimaffimmiluunniit ikiortinut. Tassalu taamaasilluni ataatsimut pisinnaatitsisoqarsinnaangilaq pinerluuteqarsimanermut uppersarsaatiniq tamanut ammasunik, angerlarsimaffimmi ikiortinut inunnulluunniit tapersersuisuusartunut tunngatillugu. Angerlarsimaffimmi ikiorti imaluunniit inunnut tapersersuisuusartoq innuttaasup angerlarsimaffiani sulisussatut atorfinitsinneqaraangat inatsisitigut periarfissaqanngilaq pinerluuteqarsimanermut uppersarsaammik tamanut ammasunik piniarnissamut. Pisunili taamaattuni kommunip isumaliutigisinnaavaa pinerluuteqarsimanermut uppersarsaammik nammineq pigisassaasunik piniarnissaq, kommunip nalilerpagu taanna pissusissamisoortoq pisariaqarlunilu.

Pissutsit amerlasuut meeqqanik pinerliisimannginnermut uppersarsaammik piniarnissamut tunngaviusartut aamma tunngaviussapput pinerluuteqarsimanermut uppersarsaammik tamanut ammasunik piniarnissamut. Assersuutigalugu pissusissamisuusaaq inuk ataaseq imaluunniit inuit ikittut immikkut toqqakkat paasissutissanik pineqartunik piniartartuunissaat, taakkuninngalu ingerlatitseqqittartuunissaat, inunnut tamatumani susassaqtunut. Pinerluuteqarsimanermut uppersarsaatiniq tamanut ammasuni paasissutissat paasissutissaappat aalassatitsiasut, taamaattumillu inuit kommunimi paasissutissanik taamaattunik passussisartut paasissutissanut pineqartunut tunngatillugu nipangiussisussaataapput. Tamatuma saniatigut erseqqissaatigineqassaaq meeqqanik pinerliisimannginnermut uppersarsaatitulli pissusissamisuusasoq pinerluuteqarsimanermut uppersarsaatit atuarneqareeraangata aserorterlugit nungutserneqartarnissaat, taavalu allakkiami (notat) paasissutissanik nalunaarsuuisoqartarnissaa, sulianik ingerlatitseqqinnerni atorneqarsinnaasunik, atorfinitsiniarnermut atatillugu.

Kommunip inuk suliffissamik qinnuteqartoq itigartiinnarsinnaangilaa, innersuullugu taanna ”iperterneqarsimanngitsumik” pinerluuteqarsimanermut allagartaqanngitsoq. Kommune taamaasilluni pissusaavoq tigussaasumik nalilersuissalluni qinnuteqartup atorfimmut piukkunnassusia pillugu, tassanilu pinerluuteqarsimanermut uppersarsaat tamanut ammasoq (immaqalu meeqqanik pinerliisimannginnermut uppersarsaammik paasissutissat, taamaattumik piniartoqarsimappat, atorfilik pineqartoq meeqqanut 15-it inorlugit ukiulinnut tunngasuuppat) ataatsimut nalilersuineri ilaasinnaapput.

2.2. Pinerluuteqarsimanermut uppersarsaat nammineq pigisaaq

Pinerluuteqarsimanermut uppersarsaat nammineq pigisaaq qinnuteqartumit namminermit politeqarfimmut piniarneqassaaq, imaluunniit qarasaasiatigut pissarsiarineqarsinnaalluni. Taanna eqqartuussaasimanernut, akiliisitaasimanernut unnerluutigineqarsimanernullu tunuartinneqarsimasunut tunngasumik paasissutissanik imaqartarpoq.

Kommunip nammineq nalilertussaavaa, qaqugukkut pissusissamisoornersoq naleqqunnersorlu qinnuteqartoq qinnuigissallugu pinerluuteqarsimanermut uppersarsaammik nammineq pigisamik pini-aqqullugu, atorfimmut aalajangersimasumut inuttaliinissap aalajangiiffigineqannginnerani. Pinerluuteqarsimanermut uppersarsaat nammineq pigisaaq piniassallugu taamaallaat pissutissaqartutut isikkoqarpoq kommunip pinerluuteqarsimanermut uppersarsaammik tamanut ammasunik piniar-

nissaminut periarfissaqarfigingisaani, takuuk siuliani immikkoortoq pinerluuteqarsimanermut up-
pernarsaammik tamanut ammasumik piniarsinnaanermut tunngasoq, tassani ersimmat piner-
luuteqarsimanermut uppernarsaammik taamaattumik piniarsinnaaneq taamaallaat naleqquttusoq
atorfinnut aalajangersimasunut.

Kommunip peqqissaartumik nalilersortariaqarpaa pisuni ataasiakkaani pinerluuteqarsimanermut
uppernarsaammik piniarnissaq naleqquttuunersoq pissusissamisoorlunniit.

Pinerluuteqarsimanermut uppernarsaat atuarneqareeraangat naleqquttuussaq qinnuteqartumut alla-
gartamik piginnittumut tunniuteqqittassallugu. Paasissutissallu suliamut naleqquttut, pinerluute-
qarsimanermut uppernarsaammiittut allakkiami nalunaarsorneqarsinnaapput, suliamik ingerlatit-
seqqinnissamut atatillugu. Paasissutissanik pineqartunik pissarsisut paasissutissanut tunngatillugu
nipangiussisussaataapput.

Rigspolitiiniit il.il. paasissutissanik pissarsineq pinerluttaalisitsinermut il.il. inatsimmik unioq- qutitsisimanerit pillugit

Allakkiaq una immikkut meeqqanik pinerliisimannginnermut uppernarsaammik piniartussaaneermut
pisuni aalajangersimasuni annertunerusutigut tunngasuvoq, kommunimi atorfinititsinissaq sioq-
qullugu, annikinnerusutigullu sammineqarpoq qaqugukkut kommune pinerluuteqarsimanermut up-
pernarsaammik tamanut ammasumik aamma nammineq pigisamik piniarsinnaanersoq. Pissutsilli
uani allakkiami sammineqanngitsut tassaapput, kommune Rigspolitiiniit pisortanillunniit allaniit
ilisimatinneqarsinnaammat kommunimi (sulisooreersoq) sulisoq pinerluuteqarsimasoq, kommunilu
tamatumunnga qanoq pissusilersortussaaneersoq pillugu. Kommunili aamma pisunik taamaattunik
suliaqarnissamut malittarisassaqartariaqarpoq.